

Загъсчнрин диилвр

Каспийск загъсна комбинатд, СССР-н Деел Советд сунъгъвр болн гиджӕх учрар цех болгънд цӕӕлгъврин кӕдлмш ӕргнӕр делгрӕлгддж йовна.

Агитатормуд Сангаджи-Гаряев, Очирова В., Юсупов, Ноздренко, Вдовская, нань чигн агитатормуд олн сунъгъачнр дунд тасрхан уга цӕӕлгъвр кенӕ. Эднӕ шунмгъа кӕдлмшин ашднӕ, загъсна комбинатин цех болгън ик ӕӕдӕн даалгъвр авцхала. Авсн даалгъвран ил темдгтӕ кевӕр кӕцӕджӕцхӕнӕ.

1958 джилин негдгч кварталин зурагъан: загъс кӕргӕдг цех—318 процент, загъс

давсдг цех—136 процент, загъс утлг цех—100 процент, загъс белдлгънӕ—83,7 процент кӕцӕцхӕчкв.

Эн цехмӕдт тасрхан сӕӕнӕр кӕдлджӕхнӕ: загъс кӕргӕлгънӕ цехин кӕдлмшч Сергеева М., Шардаева, Сангаджи-Гаряев К., загъс утлгъна цехин—Касаткина П., Васильева Р., Носкова А. болн нань чигн улс.

Джил дулан болсн учрар мӕс белдлгънӕ кӕдлмш оратдж эклгдв. Зурагъар болхла 19 минъгън кубометр мӕс белдх бӕӕсмн, ода белдчксн 9 минъгъ-шаху кубометр мӕсн болв. Эн кӕдлмшт комсомоль-

цнр дӕнӕ болад, ода ӕдр-сӕ уга гӕджрдж мӕсн белдгдджӕнӕ.

1957 джилин дӕрвдгч кварталин зураг консерв кедж гаргългъар комбинат кесг холван давулдж кӕцӕгъӕд, социалистическ дӕрлдӕнд хойрдгч орм авсн тӕлднӕ крайин совнархоз 52,5 минъгън арслнъгар мӕрӕлв.

Комбинатин цуг кӕдлӕчнр диилвр бӕрсндӕн икӕр омгшад, СССР-н Деел Советд сунъгъвр болх ӕдр кӕртл цехмӕдт ясврин кӕдлмш чилӕнӕвдн гидж даалгъвр авб, терӕгӕн кӕцӕхӕр гӕджрдж йовцхана.

С. ГОШЕНДАНОВ.